

烦恼的诗

1.
昨日入城市，归来泪满巾。遍身罗绮者，不是养蚕人。——张俞《蚕妇》
2.
桃之夭夭，灼灼其华。之子于归，宜其室家。桃之夭夭，有蕢其实。之子于归，宜其家室。桃之夭夭，其叶蓁蓁。之子于归，宜其家人。——《诗经·周南·桃夭》
- 3.日日花前常病酒，不辞镜里朱颜瘦。——冯延巳《鹊踏枝》
4.
执事颇勤久，行去亦伤乖。家贫无僮仆，吏卒升寝斋。衣服藏内篋，药草曝前阶。谁复知次第，濯落且安排。还期在岁晏，何以慰吾怀。——韦应物《答裴丞说归京所献》
5.
溪边照影行，天在清溪底。天上有行云，人在行云里。高歌谁和余，空谷清音起。非鬼亦非仙，一曲桃花水。——辛弃疾《生查子·独游雨岩》
6.
净惠荒凉寺，平林浅阜间。殿存碧支佛，门对赭亭山。绕屋竹阴翠，沿阶苔晕斑。雨中来托宿，却羡白鸥闲。——章谦亨《净惠院》
7.
惊起却回头，有恨无人省。拣尽寒枝不肯栖，寂寞沙洲冷。——苏轼《卜算子·黄州定慧院寓居作》

8.
荆吴相接水为乡，君去春江正渺茫。日暮征帆何处泊？天涯一望断人肠。
。——孟浩然《送杜十四之江南》
- 9.忆昔相逢俱少年，两情未许谁最先。——王安石《君难托》
10.
万壑树参天，千山响杜鹃。山中一夜雨，树杪百重泉。汉女输橦布，巴人讼芋田。文翁翻教授，不敢倚先贤。——王维《送梓州李使君》
- 11.寂寞柴门村落里，也教插柳记年华。——赵元稹《寒食书事》
- 12.今年冷落江南夜，心事有谁知。——萨都刺《小阑干》
- 13.残睡觉来人又晚，难忘，便是无情也断肠。——晏几道《南乡子》
14.
自怜心计拙，欲语更悲辛。世乱僮欺主，年衰鬼弄人。镜中颜欲老，江上业长贫。不是刘公乐，何由变此身。——李山甫《自叹拙》
15.
畴昔家上京，六载去还归。今日始复来，恻怆多所悲。阡陌不移旧，邑屋或时非。履历周故居，邻老罕复遗，步步寻往迹，有处特依依。流幻百年中，寒暑日相推。常恐大化尽，气力不及衰。拨置且莫念，一觴聊可挥。——陶渊明《还旧居》
16.
梨花淡白柳深青，柳絮飞时花满城。惆怅东栏一株雪，人生看得几清明。
。——苏轼《东栏梨花》
- 17.只有梦魂能再遇，堪嗟梦不由人做。——陆游《蝶恋花》
- 18.三春去后诸芳尽，各自须寻各自门。——曹雪芹《梦秦氏赠言》

19.多虑令志散。寂寞使心忧。——阮籍《咏怀八十二首》

20.盛年不重来，一日难再晨。——陶渊明《杂诗》

21.
此生谁料，心在天山，身老沧洲。——陆游《诉衷情·当年万里觅封侯》

22.
风一更，雪一更，聒碎乡心梦不成。故园无此声。——纳兰性德《长相思》

23.风动衰荷寂寞香，断烟残月共苍苍。——赵嘏《宿楚国寺有怀》

24.别后厌厌，应是香肌，瘦减罗幅。——晁元礼《雨霖铃》

25.寂寞掩柴扉，苍茫对落晖。——王维《山居即事》

26.
卧来扶不起，唯向主人嘶。惆怅东郊道，秋来雨作泥。——姚合《老马》

27.
世事一场大梦，人生几度秋凉？夜来风叶已鸣廊。看取眉头鬓上。酒贱常愁客少，月明多被云妨。中秋谁与共孤光。把盏凄然北望。——苏轼《西江月》

28.
一在天之涯，一在地之角，生而影不与吾形相依，死而魂不与吾梦相接。——韩愈《寄十二郎文》

29.
伫倚危楼风细细。望极春愁，黯黯生天际。草色烟光残照里，无言谁会凭栏意。拟把疏狂图一醉。对酒当歌，强乐还无味。衣带渐宽终不悔，

为伊消得人憔悴。——柳永《蝶恋花》

30.

官家有坏屋，居者愿离得。苟或幸其迁，回循任倾侧。若当君子住，一日还修饰。必使换榱楹，先须木端直。永令雀与鼠，无处求栖息。坚固传后人，从今勉劳力。以兹喻臣下，亦可成邦国。虽曰愚者词，将来幸无惑。——王建《坏屋》

31.

南来飞燕北归鸿，偶相逢，惨愁容。绿鬓朱颜重见两衰翁。别后悠悠君莫问，无限事，不言中。小槽春酒滴珠红，莫匆匆，满金钟。饮散落花流水各西东。后会不知何处是，烟浪远，暮云重。——秦观《江城子·南来飞燕北归鸿》

32.

候蛩凄断，人语西风岸。月落沙平江似练，望尽芦花无雁。暗教愁损兰成，可怜夜夜关情。只有一枝梧叶，不知多少秋声！——张炎《清平乐·候蛩凄断》

33.

门槌拍板久收藏，又向棚头弄一场。束缚冠裳新上舍，经营粥饭旧街坊。乱鸦啼处客回首，落雁声边人断肠。堆案文书销永日，谁云燕寝凝清香。——吴潜《自叹》

34.

王郎酒酣拔剑斫地歌莫哀！我能拔尔抑塞磊落之奇才。豫章翻风白日动，鲸鱼跋浪沧溟开。且脱佩剑休徘徊。西得诸侯棹锦水，欲向何门跼珠履？仲宣楼头春色深，青眼高歌望吾子，眼中之人吾老矣！——杜甫《短歌行赠王郎司直》

35.重叠泪痕缄锦字，人生只有情难死。——文廷式《蝶恋花》

36.醉魂应逐凌波梦，分付西风此夜凉。——蔡松年《鹧鸪天》

37.

寂寞深闺，柔肠一寸愁千缕。惜春春去。几点催花雨。倚遍阑干，只是无情绪。人何处。连天衰草，望断归来路。——李清照《点绛唇·闺思》

38.

愁痕满地无人省，露湿琅玕影。闲阶小立倍荒凉。还剩旧时月色在潇湘。薄情转是多情累，曲曲柔肠碎。红笺向壁字模糊，忆共灯前呵手为伊书。——纳兰容若《虞美人·秋夕信步》

39.可怜无定河边骨，犹是春闺梦里人。——陈陶《陇西行》

40.陌上搂头，都向尘中老。——王国维《蝶恋花》

41.

角声寒，夜阑珊。怕人寻问，咽泪装欢。瞞，瞞，瞞！——唐婉《钗头凤·世情薄》

42.相恨不如潮有信，相思始觉海非深。——白居易《浪淘沙》

43.

离恨远萦杨柳，梦魂长绕梨花。青衫记得章台月，归路玉鞭斜。翠镜啼痕印袖，红墙醉墨笼纱。相逢不尽平生事，春思入琵琶。——刘迎《乌夜啼·离恨远萦杨柳》

44.

相顾无言，惟有泪千行。——苏轼《江城子·乙卯正月二十日夜记梦》

45.

残雪凝辉冷画屏，落梅横笛已三更，更无人处月胧明。我是人间惆怅客，知君何事泪纵横，断肠声里忆平生。——纳兰性德《浣溪沙·残雪凝辉冷画屏》

46.

春归何处。寂寞无行路。若有人知春去处。唤取归来同住。——黄庭坚
《清平乐》

47.

玉炉香，红蜡泪，偏照画堂秋思。眉翠薄，鬓云残，夜长衾枕寒。梧桐树，三更雨，不道离情正苦。一叶叶，一声声，空阶滴到明。——温庭筠《更漏子》

48.

红藕香残玉簟秋，轻解罗裳，独上兰舟。云中谁寄锦书来？雁字回时，月满西楼。花自飘零水自流。一种相思，两处闲愁。此情无计可消除。才下眉头，却上心头。——李清照《一剪梅》

49.

春蚕未成茧，已贺箱笼实。蟪蛄徒有丝，终年不成匹。每念古人言，有得则有失。我命独如何，憔悴长如一。白日九衢中，幽独暗如漆。流泉有枯时，穷贱无尽日。惆怅复惆怅，几回新月出。——邵谒《自叹》

50.深知身在情长在，怅望江头江水声。——李商隐《暮秋独游曲江》

本文链接：<https://duanjuziku.com/duanjuzi/bk17p3xkyp.html>